

長沙府嶽麓誌

長沙府嶽麓誌卷之五

郡丞山陰趙

書院詩宋

山齋二首

張栻

藏書樓上頭讀書樓下屋懷哉千載心俯仰數椽足

其二

疊石小崢嶸修篁高下生地偏人跡罕古井轆轤鳴

濯清亭二首

張栻

芙蓉豈不好濯濯清漣漪采之不足茹怡悵暮忘饑

其二

涉江採芙蓉十反心無數不遇無極翁深理竟無識

詠歸橋二首

張栻

綠漲平湖水朱欄跨小橋舞雩千載事歷歷在今

朝

四序有佳趣今古蓋其茲橋邊獨微吟回首忘所
之

梅堤二首

張栻

亭亭堤上梅歷歷波間影歲晚憶夫君寂寞烟渚

靜

仙人冰雪姿真秀絕倫擬驛使詎知聞尋香問烟水

尊經閣

趙忭

雨久藏書蠹風高老樹斜鄰居盡金碧一一梵王家

賦別晦菴

張栻

君侯起南服豪氣蓋九州頃登文石陛忠言動宸旒坐令聲利場縮頸仍包羞卻來臥衡門無愧白

日休盡收潮海意仰希殊洒遊不遠關山阻爲我
再月留遺經得紬繹心事兩綢繆超然會太極眼
底無全牛惟茲斷金石出處宜殊謀南山對牀語
匪爲林壑幽白雲敢在望歸袂風颼颼朝來出別
語已抱離索憂妙質貴強矯精微更窮搜毫釐有
弗察體用豈周流驅車萬里道中途可停輶勉哉
其無斁邈矣追前修

賦答南軒

朱熹

昔我抱冰炭從君識乾坤始知太極蘊更妙難名

論謂有盜有迹謂無復何存惟應酬酢處特達見
本根萬化從此流千聖同茲源况然遠莫禦惕若
初不煩云何學力微未勝物欲昏涓涓始欲達已
破黃泉吞豈知一寸膠救此千丈渾勉哉其無斁
此語期相敦

城南書院雜咏

張栻

差差竹影連波靜細細荷風透屋香午寂睡餘聊
隱几人間何事較閒忙

新竹成林蕉葉青隔籬深處有蟬鳴晚涼更覺長

堤靜自遶荷花待月明

堦前樹影開還合葉底蟬聲短復長睡起更衣茶
味永客來聊共竹風涼

秋風颯颯林塘晚萬綠叢中數點紅若識榮枯是
真實不知何物是談空

移得幽蘭幾本來竹籬深處手栽培芬芳不必綴
爲佩月白風清取自開

晚來天氣更清新獨倚欄杆正暮春花落花開鶯
自語東風吹水細鱗鱗

無言桃柳也成陰
葉底黃鸝自好音
一縷爐烟清晝永
韋編卷罷短長吟

化工生意源源在
靜處詳觀總不偏
飛絮滿空春不盡
新荷貼水已田田

莫道閑中一事無
閑中事業有工夫
閉門清晝讀書罷
掃地焚香自到晡

亭畔薰風盡日涼
來從水面過新篁
悠然便覺盈襟抱
千古虞絃意未央

朝陽初上藕花香
下馬虛亭一味涼
山鳥自呼魚

自樂誰云身世可相忘

睡覺西山月正平荷風不斷曉涼生園中雙鶴知
人意已作金風警露聲

西風半夜摧炎暑曉看雲橫天際秋時序轉移皆
妙理唯應及蚤戒衣裘

新涼修竹意逾靜初日芙蓉色倍明物態直須閑
裏見人情多向快中生

四面紅蕖鏡綠波晚涼奈此野情何憑城更覺看
山隱入戶還欣待月多

今年少雨菊花遲新葢方開三兩枝但得幽然真
意在青山何處不相宜

城南卽事

活泉細引忽盈溝自遠書齋灑灑流添得眼前無
限思石橋竹塢共清幽

一春風雨水平湖更覺湖心月柳孤坐看百花開
落遍依然山色對清廬

二月十日

春日烟沙岸禪房風竹窗有時傾綠酒隨處見清

江世路分多轍吾生老此邪千秋看不盡白鳥去
雙雙

城南書院十景

納湖

源源錫潭水滙此南城陰岸花有開落水盈無淺
深

書樓

高樓出林杪中有千載書昔人不可見倚檻意何
如

麗澤堂

長哦伐木篇佇立以望子日暮飛鳥歸門前長春水

蒙軒

開軒僅尋丈水行亦蕭疎客來須起敬題榜了翁書

卷雲亭

雲生山氣佳雲卷山氣靜隱几亦何心此氣相與永

月榭

危欄明倒影面面湧金波何處無佳月唯應此地
多

琮琤谷

幽谷竹成陰懸流漱石聲不妨風月夕來此聽琮
琤

聽雨舫

風吹渡頭雨檣檣蓬上聲欣然會心處端復與誰

評

採菱舟

杖策下亭阿水清魚可數
卻上采菱舟乘風過南楚

南阜

湘水接洞庭秋山見遙碧
南阜時一登搔首意無數

納湖十景爲敬夫賦

朱熹

詩筒連畫卷坐看復行吟
想像湖南水秋來幾許深

麗澤堂

堂後林影密堂前湖水深感君懷我意千里夢相尋

書樓

君家一編書不自地上得石室寄林端時來玩幽蹟

蒙軒

先生湖海姿蒙養今日闕銘坐仰先賢點晝存象繫

卷雲亭

西山雲氣深徙倚一舒歎浩蕩忽舉開爲君展遐眺

月榭

月色三秋白湖光四面平與君凌倒影上下極高明

琮琤谷

湖光湛可流嵌竇亦潛住倚杖忽琮琤竹聲無覓處

蘇轍詩

卷之五

鏡冰堂

聽雨舫

綵舟停畫槳客與得歌眠夢破蓬窗雨寒聲動一

川

采菱舟

湖平秋水碧桂棹木蘭舟一曲菱歌晚驚飛欲下

鷗

南阜

高邱復層觀何日共登臨一目寒江盡寒江列暮

岑

明

尊經閣

梁恒

郡侯注意興文學芹泮巍然起高閣曲檻平臨北
斗懸飛甍直與層霄薄經書萬卷其中藏克函金
薤垂琳琅風雲慣護平時氣奎壁常騰午夜光

嶽麓書院

陳鋼

開荒不用買山貲土老分明有夢知迂徑遠通雲
麓寺頽基新築古賢祠吾儒事業叨承昔聖學源
流若在茲何日松杉成拱把神遊重赴草堂期

朱張祠書懷示同遊

王守仁

林間憩白石好風一時來春陽熙百物欣然得予
懷緬思兩夫子此地相徘徊當年靡童冠曠代登
崇階高情詎今昔物色遺吾儕顧謂二三子取瑟
爲我諧我彈爾爲歌爾舞我與偕吾道有至樂富
貴真浮埃若是成大化勿愧點與回

又

陟岡採松栢將以貽所思勿翦松栢枝兩賢昔所
依緣峰踐石臺將以望所期勿踐臺上石兩賢昔

所躋兩賢去邈矣我有何相違吾所未能信役役
空爾疲胡不比簪盍麗澤相遊嬉渴飲松下泉饑
餐石上芝偃仰絕余念遷客難久稽洞庭春浪濶
浮雲隔九嶷江洲滿芳草目極令人悲已矣從此
去奚必茲山爲戀繫乃從欲安坐唯隨時晚開冀
有得此外吾何知

嶽麓書院

陳鳳梧

我思古聖賢道義相綢繆距茲數百載尙有遺風
流相彼嶽麓峰山水誠清幽築舍自前代堂室今

嶽麓誌

鏡水堂

重修後學有遺範鼓篋忻來遊白日麗青天芳草
滿汀洲去聖日已遠寡陋吾所憂春風動幽谷鳥
聲正相求

又

此地已蕪沒絃歌誰復來今晨集冠履曠然千載
懷策馬步崇岡欲下仍徘徊再拜奠蘋藻攝齊東
升階朱張有遺化仰止非吾儕風雅三百篇金石
可以諧誰當嗣徽音願以諸子偕矧茲泉石清境
勝絕纖埃俯仰風雲下詠歌何時回

又

振衣高岡上悠然起長思當年兩夫子講論恒相依
我在天一方茲焉負心期童冠試春服此麓曾攀躋
嗟我未追隨咫尺千里違今來已隔歲獨行良自疲
憶昔京華日尊酒同遊嬉詩書乃麗澤氣味如蘭芝
胡爲遽南北樹雲渺會稽使我增鄙吝何以質所疑
吾道日已孤感念能不悲出處安所遇行止非人爲
山川有夙約重來當何時相與講舊聞庶以來新知

書院廢蹟

韓陽

峩峩嶽麓山前賢讀書處世遠人亦亡遺基盡荒
穢猶存北海碑尙有南軒記公暇一來過徘徊發
長喟

嶽麓書院

徐文華

書院伊誰開嶽麓使槎今我泛星沙高臺漫問朱
張迹香火翻依佛老家天外雲峰仍舊合湘中流
水自無涯獨憐勝地多寥落風雨溟濛集晚鴉

嶽麓書院

楊茂元

自有此天地卽有此嶽麓悠悠千萬載厥名人未
熟逮宋開寶間朱侯來作牧緬懷絃歌人開山建
書屋爰有周山長隱此行純淑詔起問所居錫名
賁山谷賜以中秘書壓架三萬軸未及百年餘已
爲茂草鞠後宋有劉侯拳拳事興復乃得南軒翁
椽筆爲紀錄文公萬世師于焉駐輪轂二老相講
明三書還三宿高會踵驚湖勝跡肩白鹿後公安
撫來書院更卜築奎光耀日星道化臨草木從茲
嶽麓名昭揭人耳目歲月倏已更構堂俄傾覆寂

寥三百年荒基復誰續吾鄴太丘裔顧瞻額頻蹙
捐俸鳩羣材講堂不日築兩廡一以新周垣繞而
曲俎豆朱與張登階疇弗肅可以事藏修可以資
講讀有亭極高明復可供遐矚後圃藝果蔬前楹
秀花竹以待後學者厥志良亦篤人受天地性萬
善靡不足云胡昧其初汨沒于塵欲百工且居肆
靜學在幽獨苟能隱此山無愁利名祿潛心咏六
經畢力希聖躅窮爲顏孔人達則伊周屬此邦過
化地材質美如玉倘及見斯人握衣沾賸馥

大成殿

張元忭

戢戢紺宇祀先尼曲曲清泉山澗迴萬壑總歸江
上去一源原自谷中來

朱張祠

張元忭

太極先天自古今兩賢從此共推尋須知至寶人
人具萬象由來總在心

嶽庵自勉

張元忭

光嶽開南極星沙擁上遊千峰雲氣絕一徑水聲
幽結構先朝遠宮牆數仞周禹碑遺鳥篆拜石立

松邱靈傑三湘會朱張兩月留學成簾洛系文共
漢江流夏屋今仍在春衣得其游初來山色曙中
度日光浮歌咏諧童冠蒸嘗薦棗羞嚶嚶狂者志
默默杞人憂任重吾所敢升高爾自優明宜虛戶
牖寢莫媿衾綢九十塗方生二三道不侔好將今
日意努力紹前修

惜陰篇

張元忭

我聞大禹聖且神尙惜寸陰逾寸金寸金失卻猶
可覓寸陰一去誰能尋惜陰惜陰宜獨禹古來大

聖皆如此兢兢業業唐君臣昧爽待旦周父子我
曹去聖應萬分更宜惜分如惜寸分積寸累日孳
孳百鍊成鋼無頑鈍此道本非難辟如一簣可成
山超凡入聖等閑事轉迷爲覺霎時間此道亦非
易辟如九仞須一簣終身惕若聖可幾一念怠荒
功盡棄人生百年一瞬息纔見青春又白頭老大
傷悲竟何益惜陰惜陰宜早惜六尺之軀豈渺哉
頂天立地成三才何爲碌碌負平生可憐飄忽同
灰埃我行入楚歲已晏只今柳發春將半歲月蹉

此心獨驚此日此會良非漫惜陰自勉更勉君澤
雲蒼素安足論惟有進修事在我可以千載流芳
名君不見陶與真立功立業皆由勤儼然俎豆湘
江濱彼何人分予何人

嶽麓聽講

劉梅村

老木識前輩響石彈清泚闐然西麓廬宗此東家
儔衣冠陪講席典冊貯危樓林陰自茂密鳥語相
應酬而我思古木妙意歸冥搜回廊轉東風散步
逍遙遊

嶽麓書院

唐源

衡山鎮南服山足衍星沙鬱勃鍾祥氣秀靈逗儒
車朱張振宏緒列子談餘葩楚甸道脈起荒徼俗
習嘉追惟先哲功徒令後人嗟井泉猶不竭池水
尙無蛙俎豆輝千古宮牆掩百家松楸思色澤碑
碣憶年華山以鴻儒重道非名嶽加石屋迹堪讓
鹿洞景休誇幸傍名賢地瞻依思更遐

嶽麓書院

黃正達

星沙城外嶽麓院曾記三年兩度來道脈從看先

迹在風光疑爲客愁開草侵碑石空羣鹿松護泉
亭共舉杯一嘯山川成俯仰不知身在白雲隈

聖廟

翟瓚

嶽麓三湘畔丹青兩殿虛峰巒含棟宇雲霧潤琴
書水近林華冷山高月色疎素王遺像在吾道獨
躊躇

釋菜禮成

盧疎齋

誰謂衡山高景行思齊而誰謂衡嶽近大路莫致
之衡高麓云邈洙泗不在茲遠承禮樂光吉月陽

春時原隰遂咨度于彼湘之濱薄言采芹藻多士
樂且儀酌彼白泉水憇我四牡馳我將布惠澤我
將廸民彝我將歌白駒爰求碩人遺爰求碩人遺
空谷去何爲南山有楸楠北山有桐梓誰謂衡山
高衡麓乃所基

嶽麓書院懷古

譚敬承

幽徑紆迴蒼翠浮雲峰飛動挾危樓臨流宛聽當
時講授簡疑從昔日遊靈嶽薜蘿穿象外道林鐘
磬落山頭不禁懷古江天暮返照高窺大壑秋

尊經閣

石公允

萬象繽紛歸靜一六經彪炳屬涵三斯文矚斗從
稱北吾道宗門祗歎南羣玉未須抽蒞笈鄉媛空
自秘珍函何如魯壁真詮在若木揚華照夜酣

春日偕空北李寅丈侍昌叔石太翁小集嶽
麓書院兼懷友立李寅丈攝篆中湘

朱士景

緇衣步履嘯虛堂未墜斯文有主張雲日共瞻孤
嶽迥月星分濶甫田康清神冉冉餘琴鶴立肩靠

罪散華觴卻美吾儕能取則古潭今已祝庚桑

尊經閣

陳大繡

舊是譚經處幽芳自不倫山空雲氣藹枝嫋鳥聲
頻聖道宜今古亭臺倏故新悠然歸去晚清興滿
江津

尊經閣

周生文

故國風煙別幾秋偶依文苑當山遊白雲出洞看
成變黃卷飛灰痛未收神禹碑前巢野鶴李邕亭
下卧羣鹿老僧不解興亡事夜夜敲鐘上草樓

遊嶽麓書院

車大任

岸柳江煙碧草紛危巒飛磴俯江濱
星當翼軫層霄出山自峒嶺一派分
秋水亭臺高楚塞春風絃誦入湘雲
殘碑千載留神禹苔蘚年年長綠文

壬午長至過星沙集諸生嶽麓因書濂溪院
中賦示同學諸子四詩留於嶽麓講堂

高世泰

絕學志元公森森拜誦中一庭仍綠草
四壁有光風各出斐然意應知靜者功
吾殊慚道立切切慰

徵衷

其二

三楚餘文獻同人愛典型探幽徵國寶遺響續騷
經霜案毫俱白湘筠汗幾青樂茲勤素業遙集有
神聽

其三

細簡先民傳誰添頰上毫輶軒諏外史文府勒賢
勞論世推從近方人殁在囂不虛川嶽氣羞獻鬱
輪袍

其四

設科吾尙簡一院領幽光鳥自嚶喬木魚無羨武
昌徵來應強出異擢亦相將師友百年事還嗟別
後長

感嶽麓廢院寄舊游同志

高世泰

憶昔游棲嶽麓時朱張遺跡幾尋追滄桑忽慨儒
宮廢江漢常流道澤瀾夢路虬龍猶見影古文蝌
蚪可存碑也知楚士多騷雅若箇窮愁志不移

謁朱張二先生祠

堵允錫

猶見先生宇嵬然古刹前
勿深同異辨翻藉磬聲
綠棟落陰晴雨蔓飛晝夜泉
相期今在昔廻戸厯
星懸

書院讀斷巖殘句

吳敬

春醉倚巉巖倒松掛飛壁
虬結成隄光古色照人
慄披荆訪昔人苔蘚封斷石
隱微數行字宛然鳥
獸蹟闕殘不著代引泉
挾且惜揣摩之得句老本
識前輩回顧烟雲深洵矣還靈氣

咏歸橋

吳敬

蒼落長堤古澗聲
委蛇獨擁野花迎
當年歸咏人何處
留得春風屬後生

尊經閣

吳愉

空中樓閣蔽松楸
此日誰人問六經
盡在水聲山色裏
年年芳草逼人青

朱張祠

吳愉

新聲發黃鳥
古道照危岑
結想河山邈
浮光草木深
石巉空欲語
雲岫澹無心
定人如相遇
希微未可尋

六君子堂與周朔男吳去佛去懌去懌諸子

分得妍字

王孝先

及此春晴風柳妍其隨鳥語愛飛泉深山細入幽
人思古木能叅老衲禪愧以韶光供韻事可無靜
氣附高賢嶽靈有屬耳驚訝流水開花意已傳

謁六君子

黃焜

衡南勝槩枕湘流千載名賢只此留無數烟蘿供
俎豆常鮮日月建旗旂碑殘卧虎難尋牒樹老盤
螭不記秋我亦殷勤懷古道雲深徑滑幾來遊

謁朱夫子

余自怡

荒藤罨壁景淒涼聞是湖南舊講堂
好鳥山中啼日暮新花池畔傲嚴霜
譚經徹夜真同德結綬漸予忝故鄉
試拂山頭一片石時時應接祝融光

書院

顧應祥

翠巘層層護講堂西征何幸挹輝光
湘江北去源流遠衡嶽南來地脈長
昭代人文重荆楚宋賢心學賴朱張
青衿指點峰頭石古刻相傳夏禹王

書院廢址

黃學謙

萬壑空青開地勝斯文鄒魯此同區秋風靜日松
無主澗澗何言蝸亦枯遺象恰同山鬼嘯荒碑殘
賸石龜趺雲峰誰破蒿萊色莫使黃陵叫鷓鴣
國朝

嶽麓書院新成

張可前

六經如星日萬事常昭揭羣言一淆亂榛莽由茲
茁滋蔓疇能刪尼山表其碣雖經祖龍焰微言終
不絕董賈挽頽波韓揚先後挈濂洛與關閩爬羅
其剔抉人咸知本源虎皮誰堪撤徒倚昔賢與菁

華將勿歇車哉 周撫軍前身愛蓮哲健牙在衡
湘衡高湘水冽耕鑿自嬉遊于旄復子子通經晰
疑者廣延咨講說席以戴憑重肉看朱雲折多士
荷帡幪文梓架栴欂瀟湘風雨來安與寢廟將壑
鹽朝及暮不歎昌黎吸空翠滴嶽雲清光效湖月
百城人自擁秘精微洞訣白鹿諸講院上下相頡
頏馬帳暨河汾亦云見道瞥賤子頗搜奇包山尋
書穴浮湘窺九嶷小憩嶽麓埳遺踪委蔓草誰耕
賈逵鐵欣瞻俎豆旁得以禮爲蘅擬發二酉藏願

立程門雪

重新嶽麓書院

戊申

王岱

朱陵起疊嶂迢迢生羣峰其峰七十二茲山當湖
衝鬱匆巨江郭蒼翠來城墉上有岫嶠碑下有白
鹿蹤昔賢傳絕學息靜時過從講堂構精傑林木
多橘松歲深跡已圯藪澤盤蛇龍斯文應不墜興
復欣再逢三韓有畸人經緯羅心胸旣深象教秘
復究河洛宗春陵道再展絕構開蒙茸輪奐益軒
爽氣象生肅雍斯道如日星後起資陶鎔嶙峋倉

頡書宜欲摹禹功

重新嶽麓書院

吳嘉驥

應運推名世封疆倚重時
轅門森棨戟鈴閣肅威儀
繡被潭雲靜輕裘麓嶺怡
關東名閱迥薊北斗垣垂七
郡翔鴻集三湘惠露滋雅懷
傳樂育正學接聞知掩映先
賢席追隆大禹碑清風今日
咏霽月異時思泰運貞元轉
星文北極移僖公應有頌
尙父自兼師誰謂天荒楚欣
逢代起衰翩聯看早暮霞蔚
佇聲施服教將無斁斯文允
在茲自今舒

九畹處處結芳蘿

遊嶽麓書院

吳綺

寫盡瀟湘聽雨圖何來杲日映菰蒲
天開宿霧招遊客地許名山屬大儒
鳥篆尙能存禹跡龍宮空自鎖仙都
橫經往事知何在欲訪湖南舊講徒

其二

亂後山川竟若何此間遺構幸嵯峨
千秋正席朱元晦一片殘碑李泰和
衡嶽雲烟逢霽少湘江風物過秋多
夕陽好處偏懷古不獨登臨興未磨

嶽麓書院

蔣景邢

典禮尊儒術名山闢講筵一峰垂嶽足別宿麗鶉
躔文曜南離炳雄風聖道甄湘流平似掌嶺勢削
成蓮址構開元代聲隆寶慶年寢楹思闕里圖貌
憶尼巔俎豆朱張次羹牆孔孟先賜書龍鳳展藏
碣蜿蜒鐫鼓篋來羣彥臯比坐上賢縹緗函席徧
章掖輻輪闕花影明籤軸和薰動筦絃執編詳太
義問字黜奇立向閣青藜在融經絳帳傳卿雲凝
楚甸化日亘中天騷雅歸陶冶趨蹌領折旋景行

昭後起繩矩奉初宣越自滄桑易因令教澤愆生
徒殘簡冊金石冷宮縣畫棟綠松鼠苔階走野麕
禹碑頽蔓棘邕勒竄荒烟絲竹空終廢匡扶藉有
權七旬干羽格六寓禱霽駢振策攀曦馭臨深見
汲泉古人如可作吾意向誰偏

嶽麓書院

朱前詒

陶嶼滙靈秀嶽麓峙奇峰疊翠環書院排青滿嶼
松亭開新景象僧數舊遺蹤瞻禮吾宗子遺風若
可從

康熙丙寅奉 撫軍丁夫子董率書院之命

敬述二首

徐則論

數載白雲下良無城闔隔几案接空翠朝夕自怡
悅每懷縹緲處恨不生羽翮何幸承嘉會青巒俾
我宅爰賁鳳昔心來就烟霞說譬彼景行人而更
得親炙當路優疎散閒員免趨折所職惟清課非
有簿領責殘笈啓卓犖頗無兔園冊部署琴兼書
收召魂與魄綿邈生遠思徘徊尋往昔巖壑亦無
忤雲物相安設木垂前朝陰池流上世脈於此遇

古人清暉與昭徹

其二

造物作佳山鍾靈應有爲如何幽竒區金碧非吾
類此山宋以前選勝僅雙寺李字杜韓詩崢嶸守
巖窟琅琅奎聚朝兩朱啓高致尙書開寶來秘閣
淳熙至廣漢實德鄰昌和宣聖義至今瀟湘水恬
波學洙泗光華寧久汨景運崇文治中丞斯文
宗憲邦揆奮備訓苗惟耀德造俊更求懿俎豆森
已秩棖薨煥然賁小儒忝望塵候講時擁篲計歲

適五百二熙聯盛事

書院東城中同志二首

前人

萬家烟火外一水分清暉昨夜城頭月遙連江路
輝雨開泉響正風遠浦林依應有關情客云云指
翠微

其二

前人

塵累須還在烟巒已似家頻來雲臥熟漸覺勝情
加輟頴朝支爽披衣晚趁霞間中幽課密欲向素
心誇

丁卯仲春 泰巖丁老夫子見招遍遊嶽麓
諸名勝歸至書院卽席長句賦呈

張文炳

雲麓離奇挿天碧混沌以來巨靈擘七星河漢應
手探五嶽崑崙比肩拍清湘一縷瀉冥濛滄海兩
丸飛白赤喬松拔地八千株峭壁籠烟五萬尺四
時爽氣度江城二月和風到遊屐畫橈宛轉水陸
洲寶馬絡繹龍灣陌就中 中丞正行春脫畧車
從常岸幘翠微格磔鳥呼晴吹香綽約花迎客低

徊坐拂李碑塵陵緬追持道鄉策工部禪房句太
奇晦翁講院書猶積乃知大人屏紛紜實有孤懷
求古昔猗蘭亭曠小裁詩流觴水曲微傾液賈勇
還問埧拖船搜奇尙論指鐫石虞夏文章煥日星
神聖功名超竹帛息久默契精遙通歸遲厯覽心
方適白鶴泉長自委蛇簞簋節老偏婉孌唵佛鳥
過林木香脚花鹿過薜苔濕百年勝事幾登臨竟
日名山真愛惜授簡慚非座上才搜枯頗抱詩中
癖何時重趺願執鞭側聽豪吟金玉擲

嶽麓書院

陳之駟

南嶽去此三百里勢盡岫嶺阻湘水雖然地脈各
斷流遙望祝融亦麓耳平地得山如樓臺纔有突
兀卽奇矣矧乃矗出郡河西恢張盾立如壯士陰
雨無根忽生雲晴明越翠滿城市想昔瀕洞九載
時漾沙之勢浸滅趾黃熊精子夜投宿留得奇字
驚人起山鬼裸體呼隊行猛獸或搏蹲且止當時
烈火豈盡焚大壑幽叢厯古是韓子索碑歸獨來
痛哭茫茫無人指卻怪北海去幾時何緣并沒道

林寺初信廢興自有期草木豈能欺杖屨朱張誰
謂不風流共載仙舟爭郭李公子雅量客思清遠
塵相將采蘭芷登高迥目私悵消坐息幽深諠名
理山椒更有翠微堂回看綠洲厚一紙風雨寤歎
是何年山窗鬼嘯夜燈死老僧煙火問有無粉蠹
窮壁餓經史吾道千載豈寂寥山靈面目如閨媛
誰堪深鎖不嫁人開鏡明粧爲君子多情懷惜司
空披尋勝蹟攘葛藟大桷修椽揮月斤升堂入室
引珠履九曲清泉入檻池芙蓉香入讀書几山形

磬折如箕踞環抱一色老鮮紫就中絃誦杳不聞
隔江遙見蒼鬱已江心掩映泛危樓亂歲撤去爲
壁壘獨餘崎嶇非戰場聖賢道貌尙未毀昆明戰
罷漢功收詞臣作鎮典則美等閑校士如校旗定
價收聲卽在此長風一動波瀾催書生之家身輕
徙願學古之辟穀人長往山中餐書髓墨色浮動
五花雲濤箋越過十幅綺夜發簡練英雄然天機
要在休閒裏新資豈傍閒見生摧陷方令精神喜
神寂多應此法同登臨好事良有以地險勢奧道

之藏莫負白雲封路彌我愛秋峰未成遊日暮舒
眺凭城齒

重過嶽麓書院

胡依雲

窗含殘雪篆含煙半嘯行吟手一編蕭寺客依稊
樹佛詞場人是道林賢攤書徧掃龕前石滌硯頻
澆澗底泉題壁可知多綺思古今麗句幾堪傳

重建嶽麓書院

陶之采

維嶽不崩騫元氣行其裏至人秉天樞百世恒相
俟馭日日長廻當瀾瀾自砥靈麓峙湘天同堂祀

彼美浩劫迷空山古碣存畏壘何意嶽雲開潏溪
今再起爲楚作甘霖徧蔭桃與李驅石勝天工昂
霄瞻闕里瞥爾開巨靈手擘皆神理拂濯聖燈新
集貫成終始磨碑岫嶠間功與平成比

同園次彤本遊嶽麓書院分韻

宋 俊

碧水丹崖列畫屏高秋曠覽輒揚舩雲開郢樹環
衡嶽峽束湘江湧洞庭俎豆未銷秦帝火講堂猶
勒宋儒銘試看南極天文外光聚長沙第幾星

朱張祠

福建巡撫張仲舉

道脈千秋啓書堂萬古名江河行地遠日月麗天
明俎豆還存祀絃歌尙有聲我來懷舊德奕世邇
宗盟

同吳園次使君暨長白彤本遊嶽麓書院分

韻二首

趙 崧

嶽麓晴雲帶曉開中流凝望勢崔嵬尋幽自合分
花坐選勝還宜載酒來古碣龍蛇銷歲月講堂風
雨雜莓苔何當此日偏乘興石上題名未擬回

其二

趙 宥

不用鳴鑼鬪管絃
名山深喜拜前賢
潮迎斑竹雙江合
浦暗青楓萬井連
望闕每堪依北斗
離家猶自感南天
獨嫌小隊催歸急
同雁峰頭隔暮煙

示嶽麓肄業諸生

趙 宥

曉雲開嶽麓
春水瀟湘江
山中多芳杜
清芬盈衣裳
素王有宮闕
懷綉何焜煌
溪花錯綺繡
泉石鳴琳琅
先民垂遺矩
俯仰發慨慷
大儒傳性道
正學卑文章
廻心托千古
大雅規翱翔
熙哉觀盛世

元化浹埏荒眷言闢九畹樹此椒蘭芳豈徒供游
賞所需紉幃囊修能苟不植何以答虞黃在昔三
夫子拙緒晰微茫大禹古賢聖寸陰矢皇皇良時
不可失榮名不可忘勉旃惜居諸 皇圖鞏未央
嶽麓書院送肄業諸生赴省試

趙 宣

新宮奕奕倚雲隈幸際昇平景運開臺上黃金燕
市駿歌中白雪楚人才秋風正喜高鵬翮夜月應
知剖蚌胎我向麓山叢桂下遙看藜火接蓬萊一

嶽麓書院志成紀事

趙廷標

重闢名山舊講闈朝迎旭日煥羣飛 中丞開濟

追芳躅司馬丹鉛紹令徽碧巘永垂千載業銀川
重佈七襄機漫言文物他方盛離象焜煌世所稀

嶽麓書院工竣志喜

李 標

雪霽春山麗堂開兩澗清十年荒圯盡此日美輪
成禮樂流風遠絃歌見化行湘江留異績瞻眺不
勝情

嶽麓書院成志勝

己酉

陶之典

清絕古湖南，岫巒姿磅礴。首尾見精靈，蓄洩應河洛。此中禹蹟繇，實爲神所托。胡爲翰與詞，璀璨獨蘭若。卓哉諸宋儒，選勝談正學。忠義表長沙，每亂傷寂莫。赤舄今乃來，尊儒亦開閣。介然復舊觀，畫棟滿雲壑。風旣答鳴泉，振響待新鐸。禹孟固同功，斯道關聖作。莫負名山藏，黽勉修天爵。

嶽麓書院落成已酉

王 戩

惟天有陰陽，人文資化成。神聖久徂謝，奎聚欽篤生。若稽春陵哲，允窺太極精。繼起二夫子，張道奧

此講明廣漢振五峰紫陽闡延平煌煌書院峙鼎
鼎嶽麓名淵源厯久大類璧留經營興廢警羣賢
考卜仍續庚茲也惟其時盛美遂莫京

正學無衰息日月恒光華秩序匪綿葛英莖異滛
哇星羅學舍增來遊儼爲家賜書疊壯觀漸聞絃
誦縣惟楚江之南文治代有加陶公督八州西山
更長沙因今爲視昔教化盍叅差作詩紀復古繼
者茲萌芽

嶽麓書院已酉

崔從

寥落青風才楚雲悵羈客言涉湘水西倭遲芳草
陌訪古仰高山周道憶疇昔昔賢此開創勅書賜
藏籍朱張二夫子皐比崇道脉一時集英流講論
多縫掖巍煥儼宮牆縹緗盈几席鍾鼓彷彿庠
塾絃奏孔壁修蔭環茂林文藻蕩霞色玫瑰帶
草叢岩壑縈芝赤太器若萬繩遺文泐金石興
廢或有時名儒代輝奕鹿洞與嵩陽眎此同規
璧奈何天運傾戎馬生郊場俎豆委蒿萊堂廡
成瓦圯頽垣薜荔纏殘碣苔衣齧山禽故亂曉
溝泉鳴瀧瀧日

夕遊子悲對茲增歎惜寺觀多輝煌此焉狐兔宅
吁嗟儒教衰廼不如老釋嶽麓四時青湘流終石
碧安得洞銅儔荒林又重闢

嶽麓書院二首

郭金門

聖涯巍構衍千秋眺望虛無躡景幽正學幾人麟
武接懸碑一片鳥痕留藤蘿隱見烟中寺洲渚浮
沉水上樓遙想朱張心跡在赫曦臺下儼同遊

其二

割據名區半佛仙儒風獨暢此山川無言芳草依

人緣有意停雲入抱妍曉汲花泉炊白飯夜驚蔡
火照青氊倚闌憑弔多遺蹟古瓦封塵不記年

嶽麓書院

張維霖

中停山折坦竒窩麓院清深厥薜蘿豈爲耽幽尋
谷口却聽真樂在漁歌孤僧別寺時分火曲澗來
池亦養荷欲挾難書閒到註東膠薄署奈畱何

嶽麓書院

費思居

霜落寒江空涉江眷登陟維嶽散靈足層峯此峻
極往跡寢久湮瞻討撥雲得鳳泊與鸞飄碑碣復

后色桂對麗冬榮屈子嘉炎德灑沈邈難追遠遊
空緘憶賜書自祥符教授起周式朱張嗣講筵經
傳生羽翼大哉吾道南名山增典則廢興固靡常
兵氣相偪側橘洲舊膏腴風露半荆棘鍾磬響空
青山僧守靜域倡道自吾徒辭闢昔賢力熊湘入
風塵嘉漠烟如織物色分畱題豈徒資游息起哀
伊何人臨風三歎息

嶽麓讀書詩同間中羅孝廉六首

祁曜徵

仗劍辭故鄉
紉蘭涉湘水
浮雲閒嶽陰
書堂暫棲
只松崖澗水鳴
泠泠滌氛滓
隱几博羣籍
冥心究
神理一事不能知
深用爲已恥
流光似隙駒
荏苒
風塵裏倚杖望前山
遙看夕陽紫

又

長嘯倚松風
空山湧明月
流輝鑒羅帷
皎皎積寒
雪攬衣步前除
鄉思欲淒絕
愁來把素書
金燈夜
中設宴坐不知疲
草蟲鳴切切
隔江玉漏殘
城笳
曉鳴咽

又

芳草滿幽徑風吹蝴蝶翻
欣欣桃李樹藹藹向春
暄物候多遷變撫時感
歲年校書揚子閣下帷
董生園賞奇并析義景
行在前賢願言日夕裏
爲我開蒙顓

又

流泉瀉曲磴抱膝橫鳴琴
琤琤寒玉響山水生妙
音閒花落磐石密樹啼
幽禽時偕同調客縱步
相行吟清虛日以來悠
然太古心

又

荆山有寶玉鑱錯成大器當其未遇時塵埃空棄
置我愛平原公高懷真好士門牆無廢材作人於
未遇贈以買山貲藏修得靜地絕學在性天大儒
鄙章句與君共勉旃毋負甄陶意

又

汲水不及泉泉深汲綆短爲學不務成氣盈學力
緩太禹古聖人惜陰以自勉念此常喟然閉戶恣
搜覽挹彼洞庭波助我湘妃管披襟厯晦明高吟

無昏巨人生能幾何踟躕意悽惋讀殘一卷書目
送歸雲晚

張文若讀書嶽麓十月十九日偶過西郭敞
廬作五日快聚仍別予渡江詩以送之兼

懷胡其序

廖元度

講堂直隔青山下佳士時廻刻曲船遙憶美人香
草侶送君心目過前川

其二

南軒嶽麓原盟主文定衡湘多草堂感激聲名誰

繼起渺余雲樹曷簪簪

其三

王門青紫裾堪曳陋巷簞瓢我所思曠覽但須懷
抱好等閒一誦杜陵詩

其四

殿角無窮溪水碧湘臯不定北風涼羣居好用三
冬足看取南枝十月霜

一讀書嶽麓院中

劉大撫

高山流水發清音好傍南窗拂素琴壁嶂開時清

晝永圖書擁處白雲深下帷遮莫窺三策走筆猶
慚賦上林抱膝空齋何所有松風謾謾伴豪吟

春日讀書嶽麓

謝元昌

峰隔塵囂淨陰重草木幽鳥依窗外集水向澗中
流世事頻添淚名賢不可畱朱張堂尙在今是
御書樓

瀟湘八景

吳訥

夜雨聲聲點翠苔雲移秋月入懷來歸帆高掛旋
輕捲落雁南飛又北回漁艇暫隨夕照泊寺烟若

待晚鐘開晴嵐香靄多清趣兩鬢休教暮雪催

讀禹碑

劉世臣

細拾藤蘿覓抱黃白雲橫臥擁山崗徐登絕嶺人
飄渺俯瞰平原興徜徉幾片頽垣空色相數行蟬
蚪老洪荒臨風讀罷承客語坐看飛鳥亂夕陽

偕書院諸同志遊嶽麓寺

殷自新

雲擁樓臺石作梯尋幽何惜費攀躋翠微蘭若藏
僧老迴合松關過客迷畫壁光生青嶂曉書堂聲
徹梵音齊年來霧隱南山下頻得朋儕嘯虎溪

嶽麓書院

柴望

宮牆桃李向春妍
仰止先儒舊講筵
學並禹功疏聖派
理參太極絕言筌
湘流近映金鋪日
嶽氣高含畫棟烟
况值熙朝崇道術
欣瞻睿藻挾雲天

趙司馬宜招遊嶽麓書院

姚淳燾

江流不斷繞湘東
講席依然氣象中
魯國諸生多肄業
平原仙吏是宗工
尊前水落銀河動
嶽頂雲飛帝座通
儒術年來能振起
醉看桃李舞春風

嶽麓書院

御書樓

王舜年

仙家何地說蓬萊
百尺高樓接上台
遠檻溪山春隱映
宿窗星斗夜昭回
臯比舊以南軒重
典籍新從北闕來
莫謂帝京看較遠
縹囊細帙五雲開

嶽麓書院

陶 鋹

璇榜高題自木天
千秋性學仰前賢
亭臺直接雲霄上
經史常如日月懸
上舍藜光明射斗
新宮槐色翠成煙
清時重覩河間禮
濟濟諸生聚講筵

讀書嶽麓

黃宣我

帷下書堂久不開，幾多花木半蓬萊。
天空盡放雲飛去，心定何妨月到來。
肯抱虎眠山上石，却看鶯過院前臺。
逢人懶問塵寰事，分付烟嵐鎖洞苔。

其二

名山花鳥舊知音，盡日青牕伴曉吟。
曲水流清杯汲玉，赫曦臺靜韻敲金。
想通河漢星千座，味透芝蘭月半林。
誰道杏壇身不到，自無人向箇中尋。

遊嶽麓

吳兆慶

湘南碧嶂與天齊樓閣重重水一溪馬愛山光嘶
不渡鳥知人意去還啼書聲直落三秋鴈燈火遙
憐五夜鷄踏破峰頭雲萬縷悠然歸路覓青霓

遊嶽麓書院用郭黃瞻韻

許賀來

巍然遺構幾經秋萬木陰森林壑幽夏后神碑終
古在宋儒心跡到今留澗邊松老多巢鶴峯頂雲
深半隱樓湘水月明絃誦起生徒負笈喜來遊
吾道由來勝佛僊宗風仰止在湘川麓容疊翠浮
空白橘影留青入望妍策杖偶尋前代碣橫經還

舟次湘江望嶽麓山

姚夔

偶憩湘江棹遙瞻嶽麓山高雲封鳥篆古木護禪
關舊蹟先賢在新書昨歲頒慚余經宿去不及遂
躋攀

懷嶽麓書院二首

汪晉徵

潭州化日亘中天道派千秋有正傳湘水渾連洙
水澤衡山宜接秦山巔共看書棟新函丈遙拜丹
書燦几筵未向講臺親肅穆溯洄常仰日星懸

其二

萬木蕭森嶽麓秋翠雲深鎖讀書樓鳥聲若吐絃
歌響月色偏疑蔡火浮古篆殘碑迷茂草新篁小
樹蔚平丘欲尋十二峯頭勝擬買蘭橈渡橘洲

九日遊嶽麓書院三首

趙志夔

嶽自千秋著人于九日來溪雲常傍樹山翠欲侵
杯書帶縈黃葉細幽暎碧苔航牖雖已久此志未
全灰

其二

載酒訪羅含

時羅子兼三讀書嶽麓

溯洄渡橘潭書林隨地

迥宸藻與天參瑞氣臨丹壑飛翬瀾翠嵐莫言
戲馬地把菊助清酣

其三

秋氣憑高迥長天四望開風涵金粟至霜共白鴻
來野菊侵衣袂寒星落酒杯同人俱不倦促齋

同曾仍黃登御書樓作張文炳

湖嶽光華地千間講席開名儒經宋盛夫子自東
來日月明無息江河下更廻賜書宸翰迹終
古映崔嵬

戊辰春日遊嶽麓書院

張乃英

焜煌萬道日星光 天漢昭垂自尙方
久識橫經聞聖蘊適因納疏動奎章
龍蛇自著仙毫勁山嶽猶聞御墨香
文學承恩逢盛典歡呼拜舞輯圭璋

登御書樓

劉光業

高樓聳漢接蓬萊鳥革翬飛拱上台
入座江聲春浩瀚宿窗星斗夜昭回
自來不少談經客此際還多作賦才
端賴賜書堆積滿萬年文運一時開

寺觀詩

唐

嶽麓道林二寺行

杜甫

玉泉之南麗山外
道林林壑爭盤紆
寺門高開洞庭野
殿腳挿入赤沙湖
五月寒風涼佛骨
六時天樂朝香爐
地靈步步雪山草
僧寶人人滄海珠
塔殿宮牆壯麗敞
香厨松道清涼俱
蓮花交響共命鳥
金榜雙迴三足烏
方丈涉海費時節
玄圃尋河知有無
暮年且喜經行過
春日兼蒙暄暖扶
飄然

班白身奚適傍此烟霞茅可誅桃源人家易制度
橋洲田土仍膏腴潭府邑中甚淳古太守庭內不
喧呼咎遭衰世皆晦迹今幸樂國養微軀依止老
宿亦未晚富貴功名焉足圖久爲野客尋幽慣細
學周顒免與孤一重一掩吾肺腑山鳥山花吾友
于宋公放逐曾題壁物色分甯與老夫

奉酬唐侍御杜員外二寺詩 沈傳師

永明老年輒自論乞得湘守東南奔爲聞南國富
山水清嶂逶迤僧家園舍香珎筆皆蒼舊謙范自

念臺省尊不令執簡候亭館而許携手遊山樊忽
驚列岫晚來碧積雪洗盡烟嵐昏碧波迴嶼三山
轉丹檻達郭千艘屯華標蹀躞紉沙步大旆綵錯
輝松門慘伎競驚龍蛇勢折餘不沒風霆痕相重
古殿倚巖腹別作新徑縈雲根日傷平楚虞帝魄
情多思遠聊開尊脆絲細管逐歌颺畫鼓纈靴隨
節蹴銷金七言凌老杜入木三法蟠高軒嗟予絕
倒久不和忍後感慨論元元

使南海道長沙題道林嶽麓二寺

唐扶

道林嶽麓仲與昆卓犖請從先後論松根踏雪三十步始見大屋開山門泉清或戲蛟龍窟殿豁數
盡高帆掀卽今異鳥聲不斷聞道看花春更繁從
容一袖分若有蕭瑟兩鬢吾能髡逢迎侯伯轉覺
貴膜拜佛像心加尊稍揖英皇頰濃淚試與屈賈
招清魂荒塘大樹悉枏桂細碎小草多蘭蓀沙彌
去學五印字靜女來懸千尺幡主人念我塵眼昏
半夜號令期至噉遲回雖得上畫舫可繼不敢言

綠尊兩祠物色採拾盡壁間杜甫原少恩晚來光
彩更騰射筆鋒正健如何吞

道林寺

崔珣

臨湘之濱嶽之麓西有松寺東岸無松風千里擺
不斷竹源瀉入千僧厨宏梁大棟何足貴山寺雖
有山泉俱四時惟憂不敢入燭龍安敢停斯湏遠
公池上種何物碧羅扇底紅鯉魚香閣朝鳴大法
鼓天宮夜轉三乘書野花市井栽不著山雞飲啄
聲相呼金檻僧迴步步影石盆水濺聯聯珠北臨

高處日當午舉手欲摸黃金烏遙江大舡小於葉
遠林雜樹齊如蔬潭州城郭在何處東邊一片青
模糊長卿之間久寂寞五言七言夸規模我吟杜
詩清入骨灌頂何必須醍醐

嶽麓道林二寺

韋 蟾

石門道接蒼梧野愁色陰深二妃寡廣殿崔嵬萬
壑間長廊詰曲千巖下靜聽林飛念佛鳥細看壁
畫馱經馬暖日斜明蟬螻梁濕烟散鷁鴛鴦瓦北
方部落檀香塑西國文書貝葉寫壞欄迸竹醉好

題穿路垂藤園堪把酒裴筆力圖雄壯宋杜詞源
兩風雅他方居士來施齋彼岸上人來結夏悲我
未離擾擾徒勸我休學悠悠者何時得與劉遺民
同人東林白蓮社

自道林寺西入石路至麓山寺過法崇師故

居

劉長卿

山僧候谷口石路拂莓苔深入泉源去遙從樹杪
回香隨青鶴散鐘過白雲來野雪空齋掩山風古
殿開桂寒知自發松老問誰栽惆悵湘江水何人

更渡杯

道林寺送莫侍御

張謂

何處堪留客
香林隔翠微
薜蘿通驛騎
山竹挂朝衣
霜引臺烏集
風驚塔鴈飛
飲茶勝飲酒
聊以送將歸

遊道林寺

載叔虞

佳山路不遠
俗侶到常稀
及此烟霞暮
相看夜欲歸

陪杜侍御遊湘西兩寺獨宿有題因獻楊常

傳

韓愈

長沙千里平勝地，猶在險況當江濶。處斗起勢壓
漸溪林，高玲瓏。青山上，琬琰路窮臺殿闢。佛事煥
且儼，剖竹走泉源，開廊架崖。廣是時秋之殘，暑氣
尚未歛。羣雄忌後先，朋息棄拘檢。客堂喜空涼，華
榻有清簟。澗熟煮蒿芹，水果剥菱芡。伊余夙所慕，
陪賞亦云忝。幸逢車馬歸，獨宿門不掩。山樓墨無
月，渙火燦星點。夜風一何喧，杉楡屢磨颺。猶疑在
波濤，怵惕夢成覲。靜思屈原沉，遠憶賈誼貶。椒蘭

爭妬忌絳灌共譏誦誰令悲生腸坐使淚盈臉翻
飛乏羽翼指摘因瑕玷珥貂藩雖重政化類分陝
禮賢道何優奉己事若儉大厦棟方隆巨川楫行
剡經營誠少暇遊宴固已歎旅程愧淹留徂歲嗟
荏苒平生每多感柔翰遇頻染展轉嶺猿鳴曙燈
青睞睞

湘中寄鑿山人

宋之問

嶺與道林近意在逍遙篇自有靈麓寺何用沃洲
碑

題鑿山人房二首

宋之問

落花雙樹積芳草一庭春玩之堪興異何必見幽人

晚入應真理經行尚未同房中無俗物林下有蒼苔

兄南山夕陽召鑿師不至 宋之問

夕陽照晴碧山翠互明滅此中意無限要與閑士說徒歸仲舉思誰迴道林轍孤興欲待誰待此湖

上月

嶽麓寺

曹松

海雲山上寺每到每開襟萬木長不住細泉聽更
溪蛭占高雨斷鳥過夕嵐沉此地良宵月長懷隔
楚砧

嶽麓寺

羅隱

蟾宮虎穴兩皆休來凭危欄送遠愁多事林鶯還
漫語薄情邊鴈不回頭春融疑是乾坤醉水濶應
知世界浮欲共高僧話心迹野花荒草奈相尤

寺居秋夜對雨有懷

喻鳧

修修復震震黃葉此時飛隱几客吟斷隣房僧話
稀鴿寒棲樹定螢濕在窗微卽事瀟湘渚漁翁披
草衣

春日遊僧院

戎昱

曾共劉諮議同時事道林與君相掩淚來客豈知
心堦雪凌春積爐烟向暝深依然舊童子相送出
花陰

宋

嶽麓寺

趙抃

古木與天齊門前百尺梯我來還滌想疑是過雲
溪

雨後同周允昇登雪觀

張 栻

一雨端能解百憂肩輿徑上最高樓山容淨洗無
窮碧江水新添自在流已覺春深花片老不應身
似賈胡畱烟簑風笠南山下正好歸歟看麥秋

抱黃洞

趙 忞

靈洞古壇基煙蘿接翠微日西春又晚不見羽人

歸

題嶽麓深固軒

釋洪覺範

湘西峯頂寺樓閣藏煙翠危臺占冢巔小軒寄幽
致游人常不到石壁照溪邃於是復何求此生眠
食耳翛然亦何有蒲團空曲几凭高俯城郭車馬
環磨蟻城郭望諸峯時見孤雲起

題麓苑虎岑堂

前人

平生文彩照諸方暗谷行藏草木光要使叢林想
高韻故將名字挂虛堂笑拈倚壁過頭杖閒坐當
年折脚床進步竿頭如不薦草深門徑未相妨

題清富堂

前人

此堂冠絕湘西勝枯木名多道不窮用谷量雲當
衣鉢以江盛月展家風買山歸隱真寒乞借竹爲
軒落笑中綠錦漲連青玉浦翦裁磨作費詩工

偕禪者宿湘西寺

前人

湘西春色無人要萬頃鏡空飛白鳥小閣披衣眼
力衰一聲欬乃酬清曉芒鞋閒穿聚落來此岸綠
陰行不了南臺老木忘鄉井扞掌清談輒高笑烹
茶煮笋未當勤放意寄詩語奇峭此生何處不戲

劇萬事隨緣真道妙何當借子西齋宿共看湘月
千峯表

明元闕

與錢太守諸公遊嶽麓寺席上作

李東陽

衡嶽地蟠三百里羣峯將斷復崔嵬崑間古刹依
山轉谷口晴雲滿樹來北海書存誰問價少陵詩
罷獨憐才扁舟已謝長江險又是匆匆一度回

又

危峯高瞰楚江干路在羊腸第幾盤萬樹松杉雙
徑合四山風雨一僧寒平沙淺草連天遠落日孤
城隔水看薊北湘南俱在眼鷓鴣聲裡獨凭欄

登江寺拱極樓

擊汰空明鏡裏遊更憐烟際掛飛樓倒看夾嶼垂
雙練轉訝禪林在十洲總以回頭登岸近初從舍
後得山幽王恩浩蕩同江海無限神情拱帝州

水陸寺

廖道南

尋幽爲訪雲邊寺乘興還臨河上洲萬里乾坤此

江水三湘煙雨共誰舟
懷沙不盡靈均恨
許國誰堪賈傅謀
馳檄近聞多戰騎
啣杯那復對沙鷗

水陸寺

穀城王

一洲浮泛砥湘川
水國居人舊日傳
自昔建宮三百載
春潮只在寺門前

水陸寺

唐源

鷺湖羅眾水蜿蜒現芳洲
樓閣雲間聳煙霞望外
幽萬家聞磬韻四面徹
漁謳要識禪機處江空月
一鉤

和唐明府咏

陸寬

湘水渺無極叢林傍一洲
低雲花嶼午遠市古壇
幽浪靜鷗翻浴鮮澄客醉謳
逢僧聊共話峯頂月
移鉤

陳大繡

楊柳江邊夜歸舟載月忙
烟波籠梵宇欸乃遶僧
房聞笛思千古凭欄酒一觴
濟川誰是者長嘯問
瀟湘

遇愁山上人時乞予爲結菴嶽麓

張洵

京國遨遊八十年卜居休老南山巔譚宗故演金
仙秘禮嶽今依赤帝前人自曹溪歸正鉢香從蘭
若散諸天慚予未解無生訣結社能容到白蓮

嶽麓寺

張邦政

雲霄青嶂出風物總堪憐庭午疑無日山幽別有
天人逢雙劍合佛許一燈傳可是蓬萊地能令思
灑然

講經堂

蔣希禹

無言語文字乃爲真法門誰其講經者荒臺今尙存

深夜月明甚皎衆人皆醉予與樸公宿講經臺閣上坐至月落唱之以詩 陶汝鼎

霜經山未寒氣返如初夏清磬一聲餘松濤向人
鴻隔江明月飛峯高月難下兩客獨不眠岫嶺亦
不夜落葉滿樓風疑令禹碑化

講經臺閣上坐月和仲調韻 馮一第

秋山人久佳雲峯不改夏明河學飛泉直向懷間

瀉西巖月未還鐘聲落其下獨與素心人領竒受
清夜應知白日塵擾擾沙蟲化

夜遊嶽麓寺

胡爾愷

日夕羣峯暝負策臨深巘青谿意已遠况復月空
微山鐘聞谷口煙鳥無驚飛粲粲寒苔壁松蘿引
蒲衣簾逕出幽遠危泉掛石腓霜色滿前路行行
漸忘歸

萬法樓晚眺

胡爾愷

落日山樓迥眺聽含衆幽遠樹歸新霽暝色高天

嶽麓誌

卷之五

三

鏡水堂

秋孤峯停虛月空簷起涼颺歸路迷何處澹然身
共浮

嶽麓寺

夏揚名

峯巒爭壽枕湘川乘興閒來一叩禪
眼色遙開千里意琳宮高結萬山緣
縈紆路轉清風峽恬淡天
飛白鶴泉過客欲詢興廢事李邕碑石有靈煙

嶽麓寺

郭金臺

入山不獨靜萬慮茲瑩然月照花明夜林深樹結
天所期無外內始覺有凡仙莫待尋常識高人事

已立

講經堂

石公允

三車演罷一臺留
祇樹叢林境轉幽
絕磴垂空疑
驚嶺飛泉灑瀑勝
龍湫琳宮晝掩曇
花靜寶地雲
將貝葉流暫此
翛然忘俗想始知
人世有丹丘

洞真觀

任睦

得道真仙去不回
空遺宮殿起崔巍
千年勝地多
殊感羣鶴翔飛歲
歲來

嶽寺有懷

吳愉

嶽麓記

鏡永堂

游止頻來慣於今二十年僧雛儕老衲松子挺蒼
煙臺自飛花雨泉仍咽石絃偶然成強醉豈是學
逃禪

嶽麓寺

吳敬

光風澹宕嶽嵐新結勝來探古寺春林靜好音傳
竹玉樹深老衲坐雲茵眼前古木叅禪偈象外功
名入世因更欲尋芳高最處證盟峰際未來身

講經堂

陳三台

講臺人去幾千秋寂寞高臺望裡收五葉只隨孤

月轉三乘常傍一燈流
天花有意應緣舌
頑石無情亦點頭
却笑維摩方丈室
幾人能似遠公儔

嶽寺有懷

吳孟訥

路絕山空別有天
雲閒寺古思悠然
不貳門從何處問
却煩文字作蹄筌

嶽麓寺

何應瑞

野綠宕春烟
山青慧景妍
定松森古法
響石露孤禪
花陣臺飛雨
篁陰逕漏天
步遲歸欲晚
鐘磬落崖巔

洞真觀

無名氏

玉洞琤壇長冷落真墟崑竇色常新可憐城裡悠
悠者不識瀟湘四季春

國朝

和薛方伯贈彌嵩禪德

趙廷標

嶽峯高峙出雲端
蘭若傳心法雨寒
送客幾忘谿過笑
談經恒見石生歡
詩宗白社超三乘
錫卓飛泉擅百壇
謾說山僧無色相
果然半衲勝儒冠

遊嶽麓寺

李蔚

篋輿清曉度高秋
封內名山此勝遊
翡翠平鋪金作闕
芙蓉四起玉爲樓
包涵大嶽真拳石
襟帶長江只細流
月上層臺鐘遞響
居然人世一丹丘

同胡沂菴諸寅丈遊嶽麓寺 王仕雲

丹梯曲引翠微間，浪說浮生半日閒。
上界煙霞攢旖旎，諸峯金碧枕潺湲。
僧從水月時窺象，客爲雲林暫解顏。
欲述壯遊憑勝侶，敢論詞賦動江關。

仲秋十四雨霽訪肺山和尚留宿嶽麓坐月
深談法喜無量師唱曰此夕秋光不偶然得

二首徵和

陶汝璣

此夕秋光不偶然，空山良夜及時圓。
玉蟾迸出新秋雨，靈鷲重開古梵天。
對月兩人寒有露，倚雲雙

樹皎無煙一騎飛送來香積君與裴公是劫前
此夕秋光不偶然妙高峯上話初圓摩尼五色當
頭月蜃閣千尋絕頂煙退老漫搜蝌蚪篆岑公還
說大蟲禪前宵後日皆風雨一笑人天別有緣

中秋前夜雨霽同仲調陶先生坐月口占此

夕秋光不偶然各二首

釋智檀

此夕秋光不偶然留來十載待君圓漁燈就寺迎
門燭月魄移人上畫天兩岸湘流漸瀑布半峯嶽
色補窗燭幽懷未盡鐘聲落松影聯輝滿榻前

此夕秋光不偶然虎溪別後麓峯圓
文星互炤三更月
檜衲單披半壑烟
籬綻黃金元亮菊池搖白羽
遠公蓮知君不爽東林約來結三生未了緣

丁未冬杪同吳正持踏雪過嶽麓尋禹碑以
肺山和尚他出爲悵下道鄉臺相值馬首留

宿賦贈

鄧旭

貧山老更奇縱棹凌窮九雪滿嶽麓巔破凍看蚪
蚪高嘯落川谷紛拏玉龍走所憾支道林尋侶出
洞口我貯衡山雲囊緘未一剖禹碑蜿蜒下藍輿

擎雙肘路轉道鄉臺怡逢神駿首把臂兩軒渠邀
我宿巖藪爐煨楮火暖氣浮座右黃蘗粥兩盞
醉逾三昧酒公昔在白門謂我非其耦雉堞隔萬
竹竟不我顧取須知住世人有眼大如斗路遍選
佛場尊宿難數有憶昨老古錐號爲天子友宸
翰與紫衣壓殺侍者手試問西來意緇素誰勝負
我今宿公床軒駒良非偶愛公結茆屋湘江當戶
牖星沙城咫尺豎拂未曾苟一衲二十年臥聽羣
虎吼能以海底光湧出功德毋

春日飲洞真觀

劉友光

白雲片片出籬根，臥對清風掃殿門。
移柳絲牽鶯喚友，隔松人報鶴生孫。
杏花紅暖沾藜杖，竹葉清香散瓦盆。
醉後快談龍可牧，一天明月照崑崙。

同濟美友鴻訪果如上人重新嶽麓古道林
寺

江有溶

樵夫相逐入叢林，城市剛離洞壑深。
漠漠塵灰搜殿閣，稜稜瓦石定臺岑。
百年蒼鼠開生面，一鉢黃
龍見道心。世事茫然如廢寺，耐人風雨細披尋。

遊嶽麓寺同季無懷汪季安時茶花盛開

周應遇

綺閣盤雲嶺千松抱佛青
好花先客醉塵影對泉醒
官戀閒中奕僧飢忙裏經
曉來成底事歸路媿山靈

嶽麓寺

沈一揆

長沙西岸道鄉臺上結琳宮
曲逕廻七十二峯山欲盡
盡四千里路我初來雲封古木千章秀
帆落清江一線開莫笑平生耽酒癖
匡廬舊事許啣杯

同大白僧雨宿嶽麓寺

吳嘉驥

忽謾雷驅雨翻盆夜半時當風聞鳥亂望曉得鐘
遲住愛青春好行憂白髮欺一燈殘照榻不寐想
題詩

驚嶺何年闢祇園此地傳松聲長帶雨巒氣欲成
煙夢散疎鐘外心清古佛前同遊偕淨侶結隱共
棲禪

重遊嶽麓寺

周璜

翠岫凌空歷幾盤筍輿取次白雲端千層嵐氣羣

峯沒百里江光一勺看身傍老僧忘去住夢隨煙
磬入高寒當時景物巍然負乘興誰云攬勝難

遊嶽麓寺

黃忬震

梵閣參差聳翠微我來攬勝扣禪扉日明樹色濃
還澹鳥弄晴聲密又稀鐘靜講臺僧入定寺留古
碣客頻依探竒不厭迴廊繞無那殘霞挂夕暉

道林寺

王駿

三年作吏簿書侵偶得餘閒過道林古殿有僧翻
貝葉空堦無鶴唳清音綠搖晴色新篁滿紅露巉

巖小閣深更聽山人談往事不禁感慨夕陽沉

望水陸寺

廖元度

天地軍麾後何年一寺存浮洲煙似島泊岸水連
村橘柚空相憶江楓已沒痕那堪風浪裏鐘磬出
黃昏

乙丑春仲送彌嵩大師還嶽麓

高 騫

嶽山真面目與世作何看自遇知音侶至今流水
彈松堪依寺古月肯到山寒坐斷千峯頂唯應舉

似難

乙丑秋孟登嶽麓山喜晤彌嵩和尚卽事

吳斯洛

灌木千圍幹作城此中几簞倍怡情空江落照談
無色急水輕帆去有聲山月驟沉漁火出村煙曲
慶寺鐘清虎岑啜茗深更話話到忘言悟死生

嶽麓寺卽事

廖元度

山光如黛水如烟丈室新開夜斗懸北海有碑誰
字法華遲石自通泉蔥蔥禾黍春何急落松

陽嶺未偏賴是樵歌堪駐聽就中唱出鷓鴣天

嶽麓寺夜坐同李葵山緩山 釋續燈

麓雲冠冕聚松月復何明酒漉陶彭澤詩酌阮步兵
沙明漁火亂霜落寺鐘清坐話無生理雲流山

翠平

嶽麓寺夜坐次韻

李何焯

興未尋幽倦空庭又月明共知禪有棒不道酒非
兵鐘磬聲皆寂茶瓜味逾清無心思簟枕半偈足
生平

嶽麓寺夜坐次韻

李夔山

初地深更候青空佛火明諸公方脫俗元帥不談
兵隔岸紅塵遠啣杯玉露清友山雖可愛吾意望
承平

麓山下興化古刹重開志喜 釋圓應

雲鳥何曾關去留樵歌出峽喚漁舟東華捧日添
西竺南嶽看湘拱北流鐘課漏聲醒客夢蒲團坐
定靜更籌匡廬此約開蓮社閑象玄珠知探不

湘江舟中望嶽麓道林二寺 趙孟

桂櫂驚開屬玉飛
松關回首閉斜暉
鐘聲杳靄秋雲裏
萬戶江烟鎖翠微

其二

雲中却望道林幽
一片斜陽下橘洲
記得少陵詩句在
膏腴樂國古潭州

遊嶽麓寺

長汀羅才徵

嶽麓書堂自古今
我來策杖訪祇林
青松爽籟飄仙梵
白石清泉澹客心
隱隱湖光侵寺迥
遙遙山色傍雲陰
徘徊不盡登臨意
悵望春江同淺深

雨中尋道林寺

毛際可

空山雨欲來，雲樹紛無次。
隔水聞鐘聲，知有前朝寺。

遊嶽麓寺

趙志夔

放步穿蕭寺，山高洗俗囂。
泉光涵皓月，幡影出重霄。
梵引松風入，僧歸磴道遙。
翛然天路近，身世等鴻毛。

嶽麓懷古

胡虞繼

堂構低開萬仞峯，我來選勝一扶筇。
荒臺寂寞悲

鄒浩斷碣徘徊認李邕
巨麓深陰寒白石寺門斜
照亂青松蒼茫欲共山靈語
湖海何年起臥龍